

Martinus Episcopus huic Concilio præfuisse, sic primus subscripsit: *Martinus Bracarenfis Metropolitana Ecclesiæ Episcopus, his gestis subscripsi.* Eodem etiam cum nomine Pantardus ita subscripsit Concilio Toletano tertio: *Pantardus in Christi nomine Ecclesiæ Catholicæ Bracarenfis Metropolitanae Gallicie Provinciae Episcopus, his constitutionibus, quibus in urbe Toletana interfui, annuens, tam pro me, quam pro fratre meo Nitigiso Episcopo civitatis Lucensis, subscripsi.* Res ita perspicua est, ut novos testes proferre soli lucem addere sit.

Tarracona, aliis Tarracon & Tarraco, civitas antiqua amplissimaque Hispaniæ Tarraconensis, cui nomen indidit. De hac ista leguntur apud Strabonem ^a: *Inter Iberi ostia & Pyrenes extrema, ubi sunt Pompeji trophæa, prima urbs est Tarracon, portu quidem carens, sed in sinu condita, & aliis satis instructa rebus, nunc non paucioribus quam Carthago frequentata viris. Commodè enim sita est ad Præfectorum in Hispania peregrinationes, estque Metropolis, non tantum intra Iberum sita Hispaniæ, sed & magnæ partis ejus quæ extra est.* Differt à Tarraça urbe non obscura in Catalaunia inter Ileridam & Barcinonem sita, quam in Vasconibus ponit Ptolemæus ^b, qui Tarraconam habet in regione Cose-

X.

TARRACONA
METROPOLIS
HISPANIAE
TARRACONENSIS.^a Strabo lib. 3.^b Ptol. lib. 2.
cap. 6.

tanorum. Cum autem primaria fuerit regionis illius, non mirum si etiam Metropolis Ecclesiastica. Hunc honorem jam Hilari Papæ temporibus obtinuisse probat ejus Epistola ^c ad Ascanium Tarraconæ & reliquos Tarraconensis Provinciæ Episcopos, quorum querelæ de Barcinonensi Episcopo sine consensu Metropolitanæ Tarraconensis ordinato, his verbis respondet: *Hoc primum, juxta eorumdem Patrum regulas, volumus custodiri, ut nullus præter notitiam atque consensum fratris Ascanii Metropolitanæ aliquatenus consecratur Antistes: quia hoc & vetus ordo tenuit, hoc trecentorum decem & octo sanctorum Patrum definivit autoritas: cui quisquis obvias tetenderit manus, eorum se consortio fatetur indignum, quorum præceptionibus resultarit.* Unde Metropolitanæ officio fungens Asiaticus præfuit Concilio Barcinonensi sub Reccaredo Rege, eique primus ita subscripsit: *Asiaticus in Christi nomine Episcopus Tarraconensis Metropolitanae civitatis, his Constitutionibus interfui, consensi, & subscripsi.* At hunc non tantum Metropolitanam, sed etiam Vicarium sanctæ Sedis fuisse per Hispaniæ partem evidenter declarat Epistola Hormisdæ ^d ad Joannem Tarraconensem, qua illi vices suas committit: *Quia, inquit, per insinuationem dilectionis tuæ hujus nobis est via patefacta providentia, remuneramus sollicitudinem tuam, & servatis privilegiis Metropolitanorum, vices vobis Apostolicæ Sedis eatenus delegamus, ut inspectis istis, sive ea quæ ad Canones pertinent, sive ea quæ à nobis sunt nuper mandata, serventur, sive ea quæ de Ecclesiasticis causis tuæ revelationi contigerint, sub sua nobis insinuatione pandantur. Erit hoc studii ac sollicitudinis tuæ, ut talem te in his, quæ injunguntur, exhibeas, ut fidem integritatemque ejus, cujus curam suscipis, imiteris.*

^c Hil. P. Epist.
2. ad Ascan.
Tarrac.^d Hormisdæ Ep.
24. ad Joann.
Tarrac.

XI.

Addam & Lucum Augusti alteram Galleciæ Metropolim factam fuisse Suevorum tempore. Est Lucus Augusti urbs Galleciæ adeo celebris, octo-
decim leucis à Compostella distans Mindonem versus, ab Alfonso Rege victis Mauris anno salutis septingentesimo quinquagesimo tertio recuperata, jamque una ex Suffraganeis Archiepiscopi Compostellani. Quomodo autem honorem Metropolis adepta sit clarè describitur in Concilio ^e apud eam habito sub Theodomiro principe, ad cujus instantiam illi concessus est. Hujus verba sunt: *Tempore Suevorum sub æra sexcentesima septima, die Kalendarum Januarii, Theodominus Princeps idem Suevorum, Concilium in civitate Luco fieri præcepit, ad confirmandam fidem Catholicam, vel pro diversis Ecclesiæ causis. Postquam peregerunt quicquid se Concilio ingerebat, direxit idem Rex Epistolam suam ad Episcopos, qui ibidem erant congregati, continentem hæc: Cupio, sanctissimi Patres, ut provida utilitate decernatis in Provincia regni nostri, quia in tota Gallecia regione, spatiosæ satis diœceses à paucis Episcopis tenentur; ita ut aliquantæ Ecclesiæ per singulos annos vix possint à suo Episcopo visitari, insuper tantæ Provinciæ unus tan-*

LUCUS AUGUSTI
ALTERA METROPOLIS
GALLECIÆ.^e Acta Concil.
Lucensis sub
Theodomiro.

tum-